

1. Maj - Pariz - Let iz Tuzle - 4 noćenja - Polazak: 28.04.26. | Povratak: 02.05.26.

Pariz, Francuska • Avion

Polazak iz	Tuzla
Smještaj	Hotel ★★★
Usluga	Doručak

O putovanju

Glavni grad Francuske već stoljećima inspiriše umjetnike, putnike i sanjare, a svaki njegov ugao odiše šarmom, historijom i neodoljivom elegancijom. Šetnja Parizom vodi vas od svjetski poznate Ajfelove kula, preko čarobnih mostova na Seni, do grandioznog Luvra, muzeja koji čuva neka od najpoznatijih umjetničkih djela na svijetu, uključujući slavnu Mona Lizu. Pored kulture i arhitekture, Pariz je simbol stila i rafiniranog ukusa – od luksuznih butika na Champs-Élyséesu, do skrivenih boemskih uličica u Montmartreu, četvrti u kojoj je nastajala umjetnost slavnih slikara poput Pissarra, Van Gogha i Toulouse-Lautreca. Nezaobilazan dio pariske magije je i gastronomija: mirisi svježih pečenih kroasana, ukus kremastih francuskih sireva i neodoljivi deserti pretvaraju svaki obrok u posebno iskustvo.

Program putovanja

1. dan - 28.04.2026. | TUZLA - PARIZ

Sastanak putnika na Međunarodnom aerodromu Tuzla u prijedopodnevnim satima, oko 10:00 sati. Nakon okupljanja putnika slijedi čekiranje karata, prolazak kroz pasošku i sigurnosnu kontrolu, te priprema za let. Predviđeno polijetanje za Pariz je u 12:20, direktnim letom. Prema planu, dolazak na pariški aerodrom očekuje se u 14:45. Po slijetanju slijedi preuzimanje prtljage te polazak u panoramski obilazak Pariza, u trajanju od približno 2 sata, tokom kojeg ćete se upoznati s najznačajnijim znamenitostima francuske prijestolnice, trg

Trokadero, Ajfelov toranj, Trijumfalnu kapiju, Jelisejska polja, trg Konkord, trg Vendom, Luvr, Latinsku četvrt. Nakon obilaska predviđen je transfer do hotela, smještaj i slobodno vrijeme za odmor ili individualne aktivnosti. Noćenje.

2. dan - 29.04.2026. | PARIZ

Doručak. Mogućnost za fakultativno pješačko razgledanje Pariza u pratnji vodiča (loko tour): Montmartre (bazilika Sacré-Cœur, Pigalle, Moulin Rouge, trg Tertre), nastavak prema ostrvu Cité i obilazak katedrale Notre-Dame (eksterijer), šetnja kroz Latinsku četvrt – Panteon, knjižara Shakespeare & Co. Nakon pauze slijedi obilazak muzeja Louvre (fakultativno). Posjeta uključuje najpoznatija remek-djela svjetske umjetnosti, poput Mona Lise, Venere iz Miloa i Nike sa Samotrake. Slobodno vrijeme za individualno istraživanje najvećeg muzeja na svijetu. Nakon završetka obilaska Luvra predviđena je šetnja do Luksemburškog parka, jednog od najljepših zelenih oaza u Parizu. Slobodno vrijeme. Noćenje.

3. dan - 30.04.2026. | PARIZ - VERSAILLES -KRSTARENJE SENOM

Doručak. Mogućnost za fakultativni izlet u Versailles, nekadašnju rezidenciju francuskih kraljeva i jedan od najpoznatijih svjetskih muzeja. Slijedi individualno razgledanje raskošnih odaja Louisa XIV i dvorca koji predstavlja vrhunac francuskog baroka. Preporučujemo i šetnju prostranim i elegantno uređenim vrtovima. U poslijepodnevnom satima povratak u Pariz. U večernjim satima predlažemo krstarenje Senom, savršen način da doživite Pariz iz potpuno drugačije perspektive. Nakon krstarenja slijedi povratak u hotel. Noćenje.

4. dan - 01.05.2026. | PARIZ - DISNEYLAND

Mogućnost za fakultativnu posjetu Zabavnom parku Disneyland (odlazak i povratak RER vozom). Veliki broj atrakcija za sve generacije. Jedinstveni zabavni park na području Evrope. Cijena uključuje ulaznicu za park uz neograničeno korištenje svih atrakcija i prisustvovanje show programima kao i specijalnim programima, prilika da na jedan dan izmijenite svakodnevnicu, jer provod je zagarantiran. Povratak iz Diznilenda u hotel planiran je za 19:00 sati. Slobodno vrijeme. Noćenje

5. dan - 02.05.2026. | PARIZ-TUZLA

Doručak. Nakon doručka slijedi odjava iz hotela, najkasnije do 10:00 sati. Slobodno vrijeme do polaska prema aerodromu možete iskoristiti za posljednju šetnju okolinom hotela, kupovinu suvenira ili kraći predah u jednom od tipičnih pariških kafića. U dogovoreno vrijeme transfer prema aerodromu i priprema za povratni let. Predviđeno polijetanje za Tuzlu je u 15:20, a dolazak na Međunarodni aerodrom Tuzla očekuje se u 17:40 sati. Dolazak u Tuzlu označava kraj putovanja. Zahvaljujemo se na povjerenju i nadamo se da ćete sa nama putovati i u budućnosti!

Termini i cijene

Termin	Cijena
28. Apr - 2. Maj	1.050 KM

Tipovi soba

1/1 Jednokrevetna soba – jedan ležaj

1/2 Dvokrevetna soba (Twin) – dva odvojena ležaja

1/2 Dvokrevetna soba (Double) – bračni ležaj

1/2+1 Dvokrevetna soba sa pomoćnim ležajem

1/3 Trokrevetna soba – tri osnovna ležaja ili dva + pomoćni

Cijena uključuje / ne uključuje

- ✓ Avio prevoz na relaciji Tuzla-Pariz-Tuzla
- ✓ Smještaj na bazi 4 noćenja s doručkom u hotelu 3***
- ✓ Ručni prtljag dimenzija 40*30*20cm + kabinski prtljag 10 KG kofer dimenzija 55*40*23 cm
- ✓ Organizacija putovanja
- ✓ Pratioc grupe (vodič)
- ✓ Aerodromske takse
- ✓ Transfer aerodrom – hotel – aerodrom
- ✗ Turistička boravišna taksa – 7,00€ po osobi po danu
- ✗ Putničko zdravstveno osiguranje – 15,00 KM za osobe mlađe od 60 godina; za osobe preko 60 godina plaća 30,00 KM za sve dane boravka
- ✗ Doplata za jednokrevetnu sobu – 280,00 KM;
- ✗ Doplata za predani prtljag 20 KG – 200,00 KM
- ✗ Fakultativni izleti i ulaznice za muzeje

Opcionalni izleti

Welcome Paris (panoramski obilazak) — **35 €**

Loko tour — **45 €**

Krstarenje Senom — **30 €**

Louvre — **55 €**

Versailles — **65 €**

Disneyland — **150 €**

Napomene

Cijene fakultativnih izleta formirane su na osnovu minimalno 20 prijavljenih putnika. U slučaju manjeg broja prijavljenih, agencija zadržava pravo korekcije cijena fakultativnih izleta ili izmjene programa.

Program putovanja generiran: 30.03.2026

Opšti uslovi putovanja dostupni na: **<https://elletravel.ba/opsti-uslovi>**

Elle Travel d.o.o